

## Wien, Österreichische Nationalbibliothek (ÖNB), Cod. 1020

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. I. Pars III. Wien 1795.

3205

## SYNODICI.

## DCCCCLXI.

<sup>413</sup> Codex membraneus lat. Sec. XIII. Folior. nunc 8. 4. luculente scriptus et rubricis distinctus est Residuum cuiusdam *Collegionis e Pontificum Decretis, Dicibus PP. et Canonibus Conciliorum factae*, quae modo incipit ab *Epistola Clementis I.* prout legitur ordine Quinta T. I. Concc. Labb. edit. Venet. col. 115. de *Communi Vita*. Sed nobis ita terminatur: *Et quicumque uestrum communem uitam suscepit habet. et nouit se nichil proprium habere! uideat ne pollicitationem suam irritam faciat. sed hoc quod domino est pollicitus fideliter custodiat. ne dampnationem sed premium sibi adquirat. quoniam satius est non uovere quam uotum prout melius potest non perficere.* Hinc succedit *Decretum Leonis. Leo episcopus seruus seruorum dei omnibus episcopis. In die resurrectionis usque in sabbatum in albis &c.* Agit de *Ordinatione Psalmorum et Legionum in officio ecclesiastico.* Videatur is *Leo VII.* nam sub finem dicitur: *Romani autem diuerso modo agere ceperunt. maxime a tempore quo teutonicis concessum est regimen nostre ecclesie.* Sequitur *Gelasti I. Decretum ex Conc. Romano de Lectione Librorum V. et N. T. in officio ecclesiastico*, quod extat apud *Gratian. Dist. XV.* sed nobis incipit: *Gelasius. pp. cum LXX. eruditissimis episcopis ordinavit quando et quo tempore libri ueteris et noui testamenti legendi sint. In LXX. (Septuagesima) po-*

3206

*nunt eptaticum (Pentateuchum cum Josue et Jud.) &c. Reliqua breviora sunt Pontificum *Clementis, Pelagii, Vigoris, Leonis, Telephori, Sixti, Innocentii, Siricii, Urbani, Soteris et Nicolai*, Patrum *Origenis, Gregorii, Augustini, Hieronymi et Isidori, Canonum Apostolic.* et Conciliorum *Eliberit. Tolet. Nicaeni, Carthag. Afric. Magunt. Meldens. Rhem. Chalced. Laudun. Eduensi.* et, quod erronee scriptum videtur, *Hammentensis*, cuius citatur Cap. VIII. in haec verba: *Sicut enim episcopus non plus potest habere quam unam ciuitatem. et uir unam uxorem. ita presbiter unam tantum ecclesiam.* Itaque nullus presbiter plures presumat habere ecclesias. si de statu suo gaudere desiderat. Non occurrit mihi similis sententia, nisi in *Capitulis Herryardi Turon. c. 49.* Vide T. X. Concc. Labb. edit. Venet. col. 63. Nullus porro in brevioribus his Decretis materiarum ordo est.*

## DCCCCLXII.

Codex chartaceus lat. germ. <sup>549</sup> Sec. XV. Folior. 496. 4. a Diuersis currente calamo exaratus et olim *Monasterij Vallis omnium sanctorum in Maurbach Ord. Carthusien prope Wiennam in Austria Varia sequenti complectitur serie: I. Tractatum ανεπιγραφον de Autoritate Ecclesiae et Conciliorum, qui constat Capp. XXVI. prolixoque Epilogo, quo Dicta sub uno conspectu collocantur. Capitis I. Inscriptio miniata et initium*